

Instrución 1/2018-2019, da Vicerreitoría de Estudantes, Participación e Extensión Universitaria e da Vicerreitoría do Campus de Ferrol e Responsabilidade Social, mediante a que se establece o procedemento de asignación das prazas vacantes nas residencias públicas universitarias da Universidade da Coruña (UDC)

O prazo de solicitude das prazas vacantes nas residencias públicas da UDC permanecerá aberto desde o primeiro día hábil do mes de setembro até o último día hábil do mes de xuño do ano académico en curso.

A solicitude deberá facerse mediante o formulario accesible por vía telemática que figura na páxina web <https://www.udc.es/gl/sape/aloxamento/>.

Recibida a solicitude será revisada e, si procede, será requirida a documentación xustificativa pertinente para cada caso. Este requirimento e as comunicacións necesarias realizaranse na dirección de correo electrónico indicada na solicitude.

A adxudicación realizaraa a Comisión de Extensión Universitaria cada vez que se reúna, tendo en conta as solicitudes recibidas até esa data e de acordo cos criterios de prelación indicados a seguir.


Poden solicitar unha das prazas vacantes nas residencias públicas universitarias da UDC, por esta orde de preferencia, as persoas que cumpran algún dos seguintes requisitos e que non residan habitualmente na zona metropolitana da residencia da súa elección:

1. Estudantes que obtiveran unha praza no marco da convocatoria de prazas para o estudantado da UDC nas residencias públicas universitarias dos campus de Ferrol e A Coruña do ano académico en curso.
2. Estudantes que estean na UDC no marco dun convenio internacional
3. Profesoras/es da International Summer School da UDC.
4. Estudantes da UDC de grao, máster ou doutoramento, até que finalicen a súa carga docente presencial nos campus da UDC.
5. As persoas con vinculación coa UDC que realicen traballos de docencia, investigación, administración ou servizos e que supoñan a súa permanencia continuada na cidade da residencia universitaria na que solicitan praza, sempre que non sexa a do seu domicilio habitual.
6. Profesores/as visitantes ou do programa Erasmus.
7. Estudantes da International Summer School da UDC. Poderán ocupar a praza que lles sexa concedida desde o día anterior ao de inicio do curso ou encontro e até o día seguinte á finalización deste.
8. Participantes en cursos ou congresos organizados pola UDC. Poderán ocupar o aloxamento desde o día anterior ao de inicio do evento até o día seguinte á finalización deste.
9. Outros casos que serán valorados por a Comisión de Extensión Universitaria.

Quedan excluídos as/os residentes que cometesen faltas graves e fosen sancionadas/os coa súa expulsión definitiva durante a súa estadía nalgunha das residencias públicas universitarias da UDC.

A ocupación dunha praza en calquera das residencias públicas universitarias da UDC implica a aceptación das normas que as rexen e do Regulamento de réxime interno das residencias públicas universitarias da UDC.

Código Seguro De Verificación	BbYERvpE18rQ5EYqAn8zg==	Estado	Data e hora
Asinado Por	Vicerr. Do Campus de Ferrol e Responsabilidade Social María Araceli Torres Miño	Asinado	06/03/2019 14:00:02
	Vicerr. de Estudantes, Participación e Extensión Universitaria Margarita Amor López	Asinado	06/03/2019 13:54:41
Observacións		Páxina	1/2
Url De Verificación	https://sede.udc.gal/services/validation/BbYERvpE18rQ5EYqAn8zg==		



Prezos públicos que se establecen:

As persoas adxudicatarias da convocatoria de prazas para o estudiantado da UDC nas residencias públicas universitarias dos campus de Ferrol e A Coruña do curso vixente que soliciten a ampliación do seu período de aloxamento manterán a cota que tiñan asignada, de forma proporcional aos días de estadía. Se cambian de tipo de cuarto aboarán, dentro da mesma cota, o prezo correspondente ao novo cuarto asignado.

No caso das/os demais solicitantes aplicaranse os prezos que se publicarán nunha instrución ao principio de cada curso académico.

A Coruña, 6 de marzo de 2019

A vicerreitora de Estudantes,
Participación e Extensión Universitaria

A vicerreitora do Campus de Ferrol
e Responsabilidade Social

Margarita Amor López

Araceli Torres Miño

Código Seguro De Verificación	BbYERvpE18rQ5EYqAn8zg==	Estado	Data e hora
Asinado Por	Vicerr. Do Campus de Ferrol e Responsabilidade Social María Araceli Torres Miño	Asinado	06/03/2019 14:00:02
	Vicerr. de Estudantes, Participación e Extensión Universitaria Margarita Amor López	Asinado	06/03/2019 13:54:41
Observacións		Páxina	2/2
Url De Verificación	https://sede.udc.gal/services/validation/BbYERvpE18rQ5EYqAn8zg==		

